

TERCEIRA ADDENDA AO CONVENIO DE COLABORACIÓN ENTRE A AXENCIA DE TURISMO DE GALICIA E O CONCELLO DE MONDOÑEDO PARA A REHABILITACIÓN DA CAPELA DA VIRXE DE GUADALUPE

O xerente de Turismo de Galicia

DECLARA:

Que esta Axencia de Turismo de Galicia formalizou co Concello de Mondoñedo o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2025.

Que esta terceira addenda ten por obxecto modificar a cláusula décima do convenio.

Que o instrumento convencional que se pretende asinar se **fundamenta** no seguinte:

Primeiro.- O 8 de xullo de 2024 asinouse un convenio de colaboración cuxo obxecto era o establecemento das condicións pola colaboración entre a Axencia de Turismo de Galicia e o Concello de Mondoñedo para a rehabilitación da Capela da Virxe de Guadalupe.

Segundo.- Na cláusula terceira dispónse que se considerarán subvencionables os gastos que se realicen a partir do 1 de xaneiro de 2024.

Así mesmo, na cláusula décima establécese que o prazo para presentar a documentación xustificativa da subvención por parte do Concello remata o 30 de novembro de 2024.

Terceiro.- O 22 de novembro de 2024 o Concello de Mondoñedo solicita unha ampliación do prazo de xustificación ata o ano 2025, debido a que no momento actual estase á espera por parte do concello das autorizacións sectoriais necesarias por parte de Augas de Galicia e da Dirección Xeral de Patrimonio Cultural para poder executar o proxecto de rehabilitación da Capela da Virxe de Guadalupe.

A modificación solicitada polo Concello de Mondoñedo implica trasladar integramente a anualidade 2024 a 2025.



Con data do 29 de novembro de 2024 asinouse a primeira addenda ao convenio mediante a cal se modificaron as cláusulas segunda, terceira, décima e décimo novena do convenio, trasladando integramente a anualidade 2024 a 2025, tal e como solicitara o Concello de Mondoñedo.

Cuarto.- Con data do 2 de xullo de 2025 ten entrada no Rexistro Electrónico da Xunta de Galicia un escrito do Concello de Mondoñedo polo que solicita textualmente a tramitación dunha *“modificación do convenio, en canto ao orzamento estimado que se reflicte na cláusula segunda, isto é, para un reaxuste destas partidas, así como do importe total, que pasaría de 42.991,30 € a 42.990,30 € e por outra banda debe quedar constancia de que non se desvirtúa o proxecto inicial subvencionado e que non suporá unha actuación deficiente e que se cumpre co obxectivo da resolución de concesión do Convenio de Colaboración entre a Axencia Turismo de Galicia e o Concello de Mondoñedo para a Rehabilitación da Capela da Virxe de Guadalupe”*.

Asemade o concello indica que a modificación solicitada vén motivada polo seguinte:

“Que houbo que modificar a memoria inicial coa que se firmou nun primeiro momento este convenio debido a que non obtivo a autorización sectorial de Patrimonio Cultural. Polo tanto, a Arquitecta Municipal, Marta Candocia Acción, realizou unha nova memoria para executar esta obra. Esta Memoria obtivo recentemente autorización sectorial de Patrimonio Cultural. Existe unha mínima diferenza económica entre a memoria inicial e a memoria modificada.

Toda vez, que debido a unha negativa inicial de Patrimonio, que implicou a modificación da memoria inicial, na que se xustifica que non se desvirtúa o proxecto inicial subvencionado e que non suporá unha actuación deficiente e que se cumpre co obxectivo da resolución de concesión.”

Porén, o novo importe total do orzamento estimado é de 42.990,31 € e non 42.990, 30 €, como indica o concello, xa que a suma do Presuposto de Execución Material, os Gastos Xerais e o Beneficio Industrial é de 35.529,18 €, que ó aplicarlle un IVE do 21% da a cifra de 7.461,13 €. A suma destas dúas últimas cantidades da o resultado de 42.990,31 €.



Quinto.- A cláusula décima do convenio, modificada pola dita primeira addenda, establece que o prazo para presentar a documentación xustificativa da subvención por parte do Concello remata o 30 de setembro de 2025.

Con data do 3 de xullo de 2025 ten entrada no Rexistro Electrónico da Xunta de Galicia un escrito do Concello de Mondoñedo polo que solicita unha ampliación do prazo para a execución do proxecto de rehabilitación da Capela da Virxe de Guadalupe ata o 31 de outubro de 2025, *"ante posibilidade de que por coincidir coas datas de verán, tanto a licitación como a adxudicación e execución da obra, e en previsión de que non se poida cumprir o prazo do 30 de setembro de 2025 para xustificar este convenio"*.

Con data do 29 de xullo de 2025 ten entrada no Rexistro Electrónico da Xunta de Galicia un novo escrito do Concello de Mondoñedo polo que solicita unha ampliación do prazo para a execución do proxecto de rehabilitación da Capela da Virxe de Guadalupe ata o 30 de novembro de 2025, *"ante posibilidade de que por coincidir coas datas de verán, tanto a licitación como a adxudicación e execución da obra, e en previsión de que non se poida cumprir o prazo do 30 de setembro de 2025 para xustificar este convenio"*.

De acordo co anterior o 8 de setembro de 2025 asinouse unha segunda addenda ao convenio pola que se modificaron as cláusulas segunda (Orzamento e financiamento) e décima (Xustificación do convenio e pagamento) do convenio, na que se aceptou todo o solicitado polo concello.

Con data 20 de novembro de 2025 ten entrada no Rexistro Electrónico da Xunta de Galicia unha solicitude do Concello de Mondoñedo de ampliación do prazo de xustificación ata o 17 de decembro de 2025. O concello motíva textualmente no seguinte:

"Actualmente, a obra estase a executar baixo unhas condicións climatolóxicas, moi adversas para a reparación da cuberta, renovación dos morteiros de cal de acabados exteriores da capela, elementos de remate exterior e pintura o que provoca a demora na execución destas partidas que afectan ao exterior e aínda que se avanza nas obras interiores, esta situación está lastrando e afectando a execución da totalidade das obras de rehabilitación.



Ante a posibilidade de que estas condicións climatolóxicas adversas, declaradas como tal polos Servizos de Emerxencia, e coa fin de poder executar de mellor forma posible este proxecto, en previsión de que non se poida cumprir o prazo do 30 de novembro de 2025 para executar e xustificar este convenio.”

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela

O xerente de Turismo de Galicia

Antonio Casas Calviño

